

Francisci Carduli Marniensis Ora  
tio in funere Reuerendissimi domi  
ni Ardicini.ii. dela porta Cardinalis  
Merien Veri sui.

**S**I rationem habere calamitatis mee uoluif  
sem Patres Amplissimi: non modo recu  
sarem in faustum & luctuosum dicendi ge  
nus acerbam et infelicem orationē. Verū  
etiam quod multo equius uideretur ac optabilius esset  
erepto Ardicino quem uelut clarissimū uirtutis lumen  
intuebar: & studiorū meorum fortunarūq; omnium au  
torem ac prope gubernatorem uenerabar: in squalore:  
lamētis: luctuq; iacerem. Non quod humanos calus &  
naturę cōmunis fragilitatem nō cogitem. Sed illo ad  
empto uideor & agere uitā in tenebris: & omnis spes  
omnia cōcilia mea perdidisse: atq; ita perdidisse: ut iam  
nulla me fortuna uel prospera felicem uel aduersa pos  
sit efficere tristiore. Quis mihi non iure succenseat:  
si loqui amplius possim orbatus eo principe qui uestro  
in conspectu dicenti mihi prestare facultatē uidebatur.  
O spes fallaces: O cogitationes inanes mee. Hucine  
tandem studia mea reciderunt: ut ego mihi dolorē uo  
bis desiderium eius uiri memoriāq; renouarem. Quo  
quanto diutius tanto difficilius egriusq; carebitis. Verū  
qm̄ sic mea infelicitas tulit: ut eum pro funere sim lau  
daturus: sine quo uitā mihi esse acerbā puto: id aggre  
diar: quo iis morem geram: qui hoc mihi flebile bonus  
imposuerunt. Tantum a uobis peto Patres Amplissimi  
ut me officio lugendi potius q̄ dicēdi studio suscepisse  
hoc munus existimetis. Quicquid obmiserō (impedi  
or enim dolore ne multa dicam) in māsuētudine atq;  
humanitate uestra id reponam. Est arduū inter lachry  
ai

mas & singultus de ornatissimo uiro sine detrimento  
laudum uerba facere. Nouarię in urbe copiola & uiris  
eruditissimis affluentibus natus est Ardicius parentibus  
nobilissimis altero de la porta altera Vicecomite. Hinc  
familie nobilitas usq; ad hoc tēpus honoribus imperio  
rerum gestarū gloria continuata permansit. Inde recēs  
Aui memoria uiri & diuini & humani iuris ut esse in il  
la quisq; etate poterat cōsultissimi. Cuius cognita uirtus  
in Cōstantiensi consilio fuit: cum principes unum illū  
ex omnibus delegerunt: ad quem omnia deferrentur.  
Quo quidem tempore ita se gessi: ut postea ul' Mono  
gamus a Martino. v. fieret Cardinalis. Memorarē pre  
claras illius eximiesq; uirtutes: nisi nepos auū ita repre  
sentaret: ut auus in nepote tanq; in speculo cerni posset.  
Ab incunte etate cum optimū naturę habitum liis ex  
coleret Ardicius ibi cogitationes terminauit suas: ut  
eadem suis relinqueret ornāmēta: que suus auus sibi re  
liquisset. Audiui ego sepe dicentem se cum uires excel  
lentissimas ad imitandū sibi proposuisset: animum &  
mentē auī sui memoria consumasse. Multa nobis blan  
dimenta natura ipsa genuit: quibus sopita uirtus conui  
ueret. Multas uias adolescētie lubricas ostendit. quibus  
illa insistere sine aliqua prolapsione uix posset. Multa  
rum rerum iucundissimarū uarietatem dedit: qua non  
modo illa etas sed etiam corroborata caperetur. Ardi  
cius tanto animi robore tanta indole uirtutis ac conti  
nentię fuit: ut respueret omnis uoluptates: omnēq; suę  
adolescētie cursum in labore corporis atq; in animi cō  
tentione conficeret: ut illud auī exemplo directum iter  
ad laudem conseruaret. Ita celeriter antecellere omni  
bus ingenii gloria contigit: ut magnam & pontificii &  
ciuilis iuris cognitionem in aspectum lucemq; profer

ret. Vix Adoleſcentia exceſſerat. cum epiſcopum No  
uarienſem non ſacerdotes modo ſed etiam ciuitas ipſa  
uotis publicis expetiuit. ut facile intelligi poſſit. quan  
ta in eo ſignificatio uirtutis appareret. in quo tanta rei  
bene gerendę ſpes conſtituebatur. Si Pontius Diacon  
us Cyprianum. Seuerus Sulpitius Martinũ. Leo Am  
breſium dignos laude putauerint quod illos Nepbitos  
hunc cathecuminum populus ad epiſcopatum uoca  
rit. cur ego ſingulare non putem hunc admodum iu  
uenem fuiſſe in ea ciuitate. que uiris prudentiſſimis ab  
undabat epiſcopum cunctis ſuffragiis designatũ. Hoc  
tantum munus pene Adoleſcēti uelle cõmittere quid  
aliud erat. niſi præſentire. quãtus religionis. quantus ec  
cleſię propugnator eſſet futurus. Quod deinceps mul  
tis rebus oſtendit. Nam Florētiquicarius Archiepiſco  
pi cum eſſet hoc uirtutis ſpecimē hoc iudicium animi  
dedit. quod interdictum Pauli Secundi non audenti  
bus ceteris promulgauit. & maximo periculo ſui capi  
tis autoritatem Pontificis & huius ampliffimi Senatus  
dignitatem ſuſtinuit contra Principes ciuitatis atq; de  
fendit. Huius celebritate facti nactus eſt Romę Ponti  
ficem Paulum. qui de eo ſumma conceperat. Nullus  
eſt omnium tam ignarus rerum. qui nō intelligat que  
ſunt in fortuna temporibus regi. Vna uirtus eſt altis de  
fixa radicibus. que loco dimoueri ſuo nullis temporum  
inclinationibus poteſt. Ardicinus in omni uita eum ſe  
p̄ſtitit. ut quanto maior uarietas eſſet fortunę. tanto ma  
ior indies accessio fieret dignitatis & gr̄e. Sixti. iiii. bene  
ficio in collegium aſcitus eorũ qui ad pontificē referũt  
Aleriensis ep̄us declaratur Legatus primum in Pan  
noniam deinde in Germaniã profectus ita legationem

suam et mandata confecit: ut eius qui miserat opinionē  
eorum qui susceperant expectationem superarit. Erat  
Imperatori cum Rege Mathia bellum atrox & diutur-  
num. Alebatur odium cede militū et direptionibus op-  
pidorū qui federis essent interpretes nisi cōplures ni-  
bil profecerant. Unus Ardicinus ingenio & prudētia  
sua periculosissimū bellum ad pacem societateq; con-  
uertit: & quibus paulo ante pax inuisa fuerat: eo de-  
cis autor sibi oblitrix memoria beneficii sempiterna  
Mitto sedatos interāq; tumultus. Mitto Nursinos ex  
multorū annorū dissentione ad concordia reuocatos.  
Mitto Perusiq; interclusas omnis seditionū uias. Mitto  
Tibermates atq; Tudertes partim autoritate compres-  
sos partim obsequio mitigatos. Ac ne unq; esset homo  
natus ad laborem negotiis curisq; uacuis: accito in ur-  
bem Sixtus officium subscribendi delegauit. Quāta id  
iusticia: quanta fide administrarit: declaraturus erat Pō-  
tifex: nisi mors eius optimas cogitatiōes intercepisset.  
Innocentius primum negotiis omniū legatorum audi-  
endis exequendisq; p̄fectum: deinde ad subscribendi  
munus euocatū in ordine uestro non hominū potenti-  
um studio non excellētibus gratiis paucorū: sed omniū  
uestrum iudicio collocauit. Est illud amplissimū: quod  
homini non generi uite nō sanguini cognite uirtuti nō  
audite nobilitati delatus est honor: Sed tamen magnifi-  
cētius est dicere quemadmodū gesserit q̄ quemadmo-  
dum cepit Cardinalatum. In quo pauca os annos ita ui-  
xit ut nihil reliqui fecisse uideatur. quod accedere lau-  
di temporis lōginitate potuisset. Ita iuris & diuini &  
humani rationē cū equitate coniunxit: ut natura æque  
ac disciplina cōsultus esse uideretur. Integritas uero &  
fides ita probata semper: ut quo diplomata quibus ipse  
subscripserat peruenerūt: eodem huius hominis fama  
penetrarit. Alia multa generis eiusdem cum sint omni

bus nota uerborū ornamenta non querunt. Venio nūc ad domestica. In maximis occupatiōibus distinguebat uir prudentissimus rationem officiorum ac temporum uicissitudinē laboris ac honestissimę uoluptatis: & quātum temporis alius epulis profusioribus tribuisset: tantum hic sumebat sibi ad recolenda studia līrarum. Laudat Cornelius Nepos Pomponiū atticum: q̄ nunq̄ cenatū sit apud eū sine aliqua lectione: ut nō minus animo q̄ uentre cōuiue delectarentur. Laudat Helius Hadrianū: q̄ litteratos in conuiuio semper habuerit. Ambrosius Diaconus Atheniensis ad calcenterum scribit se nunq̄ sumpsisse cibuz sine lectione: nunq̄ uenisse ad somnum nisi unus ex fratribus sacris litteris personaret ut lectio orationem susciperet: oratio lectionem. Quibus ego uerbis Ardicini laudem consequar: cuius mensa fons atq; seminarium uidebatur omniū doctrinarum. Erat huius omne conuiuium: diligēter audire: quod legebatur: semper aliquid proponere: recta suscipere: praua non acriter confutare: disputantem contra se magis docere q̄ uincere. Deus immortalis quantū mihi beneficium dedisse uidebaris: quod uiuebam in illo bonarū artiū domicilio. Quicquid hoc est in me līrarum ibi me didicisse fatebor semper atq; prę me ferā. Inerat illi comitas non sine seueritate neq; sine facilitate grauitas: ut esset intellectu difficile: utrum familiares magis eū uenerentur q̄ amarent. Cōcursum plorantium & tempestatem querelarū tanta equanimitate ferebat: ut irasceri si cuperet quidem posset. At ne sua beneficētia proficisci ab ostentatione uideretur: clam multorum hominum inopiam subleuauit. Ad religionem omnia cum referret: uitam monasticam sibi expetendam putauit: non q̄ ista non sit hominū generi fructuosior: sed q̄ illa facilius uideretur & tutior ad salutem: cū presertim ex

cellentium uirorum autoritate niteretur. Etenim Basilium cognomento magnum ep̄um in Capadocia Cæsariensem Amphilocheus eius discipulus tradit ad monasterium perfugisse: Gregorius Nanziazenus ep̄s homo suorum temporū ingeniosissimus atq; eloquentissimus cum successorem sibi delegisset: ruri uitam monachi duxit. Celestinus p̄t̄ifex maximus contemptis rebus omnibus in solitudine uixit. Petrus Damianus qui multa in suo genere miranda conscripsit: Cardinalatu se abdicauit: ut uitam monasticam sequeretur. Horum exemplo Ardacinus degere id genus uitę uoluisset: qđ maxime adamauit. Quotiens Sixto se supplicem obiecit: Quotiens ab Innocentio diuturnis precibus efflagitauit: ut sibi potestas fieret abeundi. Quoties hunc ego uidi Patres amplissimi cū legeretur Ioannes Cassianus qui mores Anachoretarum uitamq; conscripsit: quotiens hunc uidi cogitatione suspensum teneri: quasi ad illam uitam tranquillam & quietam ipsa contemplatione traheretur. Abiit & diuino satis cōsilio fecit. Ab Innocentio seuerissimis decretis & uobis maxime annitibus reuocatus quid aliud egit: q̄ ut nihil ab instituto suo faceret alienum. Nam ut omittam triduana ieiunia ebdomadam singularum et quotidianas uerberum acerbitates dimissis a cubiculo ministris & omni remota mollicie in lecto durissimo quiescebat: si est illa quies appellāda: quę assiduis orationibus dies noctesq; iungebat. Incidit in grauissimū morbum. Quo animo: quam medicorum admiratione quinque mensium ualitudinē tulit. Sęp̄ formidine mortis et doloribus qui ex curatione capiuntur animus hominis certo de statu dimouetur. Hic uero cū toto corpore debilitaretur: animo tamē nō cedebat fuit laudatis antiquorū mortibus par exitus. Vidi ego deficientem tanta uultus constātia: ut

non ex uita sed ex domo in domū migrare uideretur.  
Ego ne tuos Ardicine labētes oculos uidi: Ego ne tuū  
corpus exangue: quod tanq̄ imaginem uirtutis expres-  
se cōtueri solebam: tetigi. O diem funestum & mihi ad  
sempiterni memoriam temporis luctuosum. Quātum  
patria tua uulnus accepit. Quatuor intercedunt anni  
cum renunciatus illi cardinalis fuisti. Nunc eodem ip̄o  
tempore tui funeris exequiē nunciantur. Infelix & ca-  
lamitosa domus: quę habebit ornamenta: quę solatia:  
quibus letari ac perfrui possit. Vbi adolescentia præcla-  
rissime traducta. Siccine Aui tui uestigia sequebaris. ut  
etiam cōmune cum illo tibi domicilium mortis depo-  
sceres. Vbi sunt officiosi tui labores. qui nullam tibi par-  
tem neq; diurnę neq; nocturnę quietis impartiebant.  
Vbi honores in quos uelut meritorum gradibus ascen-  
disti. Vbi iustitię uindices manus que famam tui nomi-  
nis propagarunt. Vbi studia bonarum artium quę do-  
mi tuę florebat. Omnia tecum uno tempore silucrūt  
Omnia uno impetu mors ademit. Omnia una eripuit  
hora. Memini. Memini neq; unq̄ illius temporis obli-  
uiscar cum redires in Urbem quot lachrymas effudi-  
sti. Nunc illam tranquillitatem animi & securitatē quā  
uita denegauit morti acceptam refers. Nunc intelligis  
quanto melius bonitatis fructus in conscientia q̄ in fa-  
ma reponatur. Atq; omnes qui tuo interitu commouē-  
tur. desiderium tui contemplatione uitę per uirtutem  
actę tollerabunt. Ea uel una cōsolatio me sustentat. q̄ si  
unuscuiusq; testis est uita non dubito quin perpetuam  
beatitudinem sis consecutus: & qui tantopere pro au-  
gendis ecclesie cōmodis apud homines laborasti: nūc  
pro diuturnitate illius apud deū precibus labores tuis.  
Ego si unq̄ officio defui meo: si te aliquid offendi: ueni-  
am peto. Tibi dedi quātum maxime potui daturus am

plus: siquid me ip̄o maius habuiffem. Nunc dare nihil  
pr̄ter has infelices lachrymas possum. Id restat: id ha  
beo: id faciam: ut donec uita exuperabo mea: nunq̄ de  
tuis laudibus contitefcam.

¶ Dixi



**Epistola Reuerendissimi Cardina-  
lis Alerienſis ad Innocentiũ. viii. pont.  
maximum ſuper exultatione ſua quã  
do a Ro. cu. receſſit.**



**B**eatissime Pater: Attulit mihi magiſter Gra-  
tianus de uillanova Breue. S. V. cuius lec-  
tione cõmota ſunt omnia uiscera mea in-  
tellecta perturbatione mentis. S. V. & ſan-  
cti Senatus Reuerendiſſimorũ dñorum meorũ Sancte  
Ro. ec. Cardinaliũ: tum etiã q̄ animaduerti interpreta-  
ri in ſinistrã partẽ: que non temere: non leuiter: non re-  
pente: ſed conſulto deliberaui circa uitę meę ſtatus mu-  
tationem. Non eſt immemor. S. V. quotiens primo an-  
no ſue feliciffime ad apoſtolatum aſſumptionis pulſaui  
aures ſuas: ut aſſentire dignaretur ardẽti deſiderio meo  
quo tenebar me ad regularem uitã in aliqua religione  
transferendi. Quod cum denegaffet. S. V. Sequẽtibus  
annis id ſepius repetiit: etiã cũ lachrymarũ effuſione.  
Fateor q̄. S. V. ante Cardinalatũ repulit petitionẽ meã:  
Cum uero etiã poſt Cardinalatũ ignis ille ſancti huius  
propoſiti arderet in pectore meo: menſe Aprili proxi-  
me elapſo nouas preces. S. V. pro ea re obtuli. S. V. poſt  
multas rationes contra petitionẽs meas allegatas tandẽ  
acquieuit: & uiue uocis oraculo ingrediẽdi religionem  
mihi licẽtiam impartita eſt: quam poſtea per duas ſup-  
plicationes manu eiufdẽ. S. V. ſignatas denuo cõceſſit.  
Dehinc cũ appropinquaret dies reſceſſus petiit denuo  
a. S. V. licentiam pro reſceſſu meo quam. S. V. etiam cũ  
reaffignatione diei gratioſe conceſſit: & benedixit mi-  
hi ad osculum ſacraſſimorum pedum admiſſo. Hec  
non ſcribo Beatiffime pater ut exiſtimem opus eſſe ea  
cõmemorare. S. V. que cordatiſſima eſt: uerũ ut intelli

gant qui aliquid de me sinistri suspicantur. me non repente. nō precipitanter. nō leuiter motum fuisse Nec debet mirari quisq̄ nec nouum aut temerariū id existimare. cum etiam inter Romanos Pont. ab ecclesia Canonizatos reperiatur qui idē fecerit Celestinus. v. qui sanctus Petrus de mirono nuncupatur. Legitur etiam ad priuatā & religiosam vitam transisse sanctus Hieronimus Ro. ec. p̄b̄r quē ferunt Cardinalem fuisse. De Petro Damiani qui licet non sit inter sanctos relatus tñ pro sancto honoratur. Habetur ex libris per eum editis quos ipse legi ipsū ex Cardinali & in faillor etiā Ep̄o Hostien̄ factum monachum fuisse. De summi pont. licentia. an uero h̄mōi licentiam a sacro Cardinaliū Collegio habuerit non memini. Ego ab eodē collegio hāc licentiam non petii. & non sum ratus adeo imbecillem & infirmam uicariū potestatem ut nō posset prebere ac porrigere manum uolēti salutis animę suę honestissimo modo consulere. Ego enim q̄ in arduis pontifex teneatur consulere collegiū non infitior. tamen petenti sibi nisi quod salutem animę concernit credo solius pontificis auctoritatem sufficere. Quid est enim Beatissime pater ingredi & profiteri religionem nisi humiliare & exinanire semetipsum. & formam serui accipiendo se usq̄ ad mortem obedientem facere. Exemplo saluatoris nostri qui dum id fecit exemplū nobis prebuit. Gregorius Nazianzenus Constantinopolitanus ep̄s. ut sciētie & contemplationi uacaret ep̄atum dimisit. Quare qui me properantem ad religionē accusant etiam hos accusent si h̄i peccarunt. Fateor me deliquisse. licet forsitan tantorum patrum exempla. & aducte rationes me excusabilem reddere possunt. Quod aut̄ dimisso Cardinalatus habitu dissimulato habitu me itineri cōmiserim non opinor propterea me notam ullam apud graues & prudentes uiros cōtrahere potuisse. Nam cum

uellem quod acturus eram secretissimum fore. idcirco pro  
prio fratre mihi fidissimo occultasse. existimaui latius  
etiam in dissimulato habitu inter ignotos. quam cum uero  
habitu incedere. & propterea a pena & a culpa & ab om  
ni alia nota me immunem esse existimo. Si tamen erratum  
est. cum id humanum sit. Supplico S. V. ut que mihi gra  
uiora peccata dimisit. etiam hoc dimittat. penitentiam  
quam mihi pro hoc peccato iniunxerit. non minus de  
uote quam humiliter suscipiam. Beatissime pater. S. V. que  
semper tam tenere personam meam dilexit & tanto  
pere. ac multifariam honorauit. dignetur opus suum &  
facturam suam in sancto proposito confouere memor  
christi uicario. nihil peculiarius esse quam eum de animarum sa  
lute sollicitum esse. Hic de anime mee salute agitur que  
sola ante oculos uersatur. Licet enim exploratum habeam  
Cardinalium & Episcoporum statum quauis alia religione  
perfectiorem esse. existimaui tamen ad inferiorem reli  
gionem transitum fragilitati mee tutiorem esse. Non est  
in scia. S. V. se anime mee rationem in districto iudicio  
reddituram. quam longe meliorem reddiderit si humilitati  
mee hoc indulserit. quam si ab hoc meo ueteri & facto pro  
posito me reuocauerit. In hoc annuat. S. V. humilimis  
& lachrymosis precibus meis. nec uelit in amaritudine  
anime mee me morte acerbiores uitam agere. Adeo  
enim turbata est ut quod scribo uix satis ipse perpendam  
Misere anime mee pater pietissime. qui mihi semper  
in omnibus affabilis. benignus. & misericors fuisti.  
& cum ineffabili clementia meas ineptias tot annis tol  
lerasti. & patere obsecro ut importunus petitor sim an  
te oculos pietatis tue. Convertere domine aliquantulum  
& uide afflictionem meam & considera etiam quomodo consulatur  
honoris meo. si iam ut ita dixerim ad aratrum manu  
posita retro aspiciam nonne oculi omnium in me conuertentur  
existimantes me leuiter discessisse. & leuius redisse.

quibus omnibus per. S. V. sapientissimè e consideratis di-  
gnetur me suo amantissimo et mihi deuotissimo re-  
sponso consolari. & reuocatas gr̃as prius mihi benigne  
concessas in pristinum statum restituere. Scitura se nul-  
lo p̃ciosiore dono hoc tempore me donare posse. quis  
enim ipse peccator sum & indignus cuius preces a deo  
exaudiantur. Id t̃n si impetrauero a. S. V. pro tanto mu-  
nere conabor assiduis apud deum orationibus multipli-  
cato fenore recōpensare. Quocūq; in loco me uoluerit  
esse. S. V. acquiescam. & quicquid mādauerit exequar  
Christiq; uicario tanq̃ christo obtemperabo & ab illi-  
us obedientia discedere nefas existimabo. Felix ualeat  
S. V. cuius sacratissimis pedibus me humiliter cōmen-  
do. Ex Roncilionē die secunda Iunii. Mcccclxxxiii.

¶ Paululum illud quod Benemerenti domi-  
no seruis post funera posse uidetur. Damia-  
nus Corycius Barba Nouariēn̄ piētissimi do-  
mini sui memorię prestare Curauit.